

# PLEAN CEACHTA

STAIR NA HÉIREANN I 100 RÉAD, ROGHA DÍOBH

PLEAN CEACHTA RANG 5 AGUS 6

## Dealg 'na Teamhrach' an t-ochtú haois



An áit ina bhfuil an réad seo le feiceáil

Ard-Mhúsaem na hÉireann – Seandálaíocht,  
Sráid Chill Dara,  
Baile Átha Cliath 2  
Clliceáil anseo chun tuilleadh eolais a fháil

Cuir cuairt ar an músaem in áirithe

Clliceáil anseo chun tuilleadh eolais a fháil

### NAISC CHURACLAIM

#### Stair

<b>Sraith:</b>	Scéal
<b>Aonad Sraithe:</b>	Scéalta faoi shaol daoine a mhair san am atá caite
<b>Sraith:</b>	Daoine de chuid luath-thréimhsí agus sochaithe ársa
<b>Aonad Sraithe:</b>	Éire Luath-Chríostaí

#### Gaeilge

<b>Sraitheanna:</b>	Teanga labhartha; scríbhneoireacht
<b>Aonad Sraithe:</b>	Mothúcháin agus samhlaíocht a fhorbairt trí theanga

#### Amharc-Ealaíona

<b>Sraith:</b>	Comhdhéanamh
<b>Aonad Sraithe:</b>	Comhdhéanamh a cheapadh; breathnú agus freagairt
<b>Sraith:</b>	Líníocht
<b>Aonad Sraithe:</b>	Líníocht a cheapadh; breathnú agus freagairt

#### Drámaíocht

<b>Sraith:</b>	Drámaíocht trína scrúdaítear mothúcháin, eolas agus smaointe, rud as a leanann tuiscint
<b>Aonad Sraithe:</b>	Comhoibriú agus cumarsáid le linn dráma a chumadh

### ACMHAINNÍ

- Páipéar, cárta. pinn luaidhe, pionsailí dathadóireachta, ábhair éagsúla, glíú.

## CUSPÓIRÍ

---

- Feabhas teicniúil agus áille aeistéitiúil Dhealg ‘na Teamhrach’ a thuiscint.
- Tú féin a chur in ionad na ndaoine a dhear, a rinne agus a chaith Dealg ‘na Teamhrach’.
- Aitheantas a thabhairt do na naisc idir saol na ndaoine an tráth sin agus saol na ndaoine sa lá atá inniu ann.

## MEASÚNACHT

---

Gníomhaíocht - tomhas  
Scribhneoireacht chruthaitheach  
Drámaíocht

## DIFREÁIL

---

Gníomhaíocht - amharc-ealaíona  
Drámaíocht

## CEACHT

---

- Taispeáin íomhá de Dhealg ‘na Teamhrach’.

### Léigh scéal Dhealg ‘na Teamhrach’.

*Moltar go n-éistean na leanaí gan an téacs a fheiceáil ar an scáileán, rud is féidir leo a dhéanamh níos déanaí.*

### Plé

- Cathain a rinneadh Dealg ‘na Teamhrach’?
- Cén fáth go ndearnadh dealga an tráth sin?
- Cén fáth go bhfuil Dealg ‘na Teamhrach’ chomh speisialta sin?
- Cad a insíonn an dealg dúinn faoi na daoine a bhí beo an tráth sin?
- Cérbh é nó í úinéir na deilge, dar leat?
- An gcaithfeá féin an dealg seo?

### Gníomhaíocht – tomhas

#### Measúnacht

Faigheann na daltaí peann luaidhe agus/nó rialtóir agus, de réir mar atá ráite sa scéal, déanann siad tomhas ar leithead Dhealg ‘na Teamhrach’. (Féach mír a trí sa scéal.)

### Gníomhaíocht - amharc-ealaíona

#### Difreáil

- Dearann na daltaí a ndealg féin. Ábhair líníochta: Páipéar, pinn luaidhe, pionsailí dathadóireachta, criáin, etc.
- Deanann na daltaí a ndealg féin. Ábhair comhdhéanaimh: Ábhair éagsúla, cárta, gliú, etc.

## CEACHTANNA BREISE

---

### Scribhneoireacht chruthaitheach

#### Measúnacht

- Is déantóir seodra tú i mblianta na 700-ta. Tá duine tábhachtach sa phobal tar éis a iarraidh ort smaointe a bhreacadh síos faoi dhealg an-speisialta. Cinnfidh siad ansin an leanfaidh siad ar aghaidh. Ba rud iontach é seo duitse dá n-éireodh leis. Scríobh cur i láthair a bhaineann le Dealg ‘na Teamhrach’ - céard, cén fáth agus conas!

## Drámaíocht – diancheistiú

### Measúnacht

#### Difreáil

- Bímis ag cur i gcéill! Glacann dalta amháin ról úinéir agus chaiteoir Dhealg ‘na Teamhrach’. Cuireann na daltaí eile ceisteanna uirthi/air ó thaobh dhearcadh na ngnáthdhaoine a bhí beo an tráth sin. Cuireann siad ceisteanna i dtaobh cén fáth go raibh an dealg ann, cé chomh minic a chaitear í, cén áit ina gcoinnítear í, agus conas a mhothaíonn sí/sé nuair a chaitear í etc.

#### Réada a chuireann na daltaí ar fáil

- Iarr ar na daltaí réada atá tábhachtach ina stair theaghlaigh féin a thabhairt isteach leo.
  - A. Déan físeán de na daltaí agus iad ag caint faoina réada.
  - B. Cruthaigh fóta-scéal trí úsáid a bhaint as réada na ndaltaí. Tá nasc le fáil thíos le háiteanna ina bhfaighfear mínithe ar fhóta-scéal agus ar bhlagáil. Labhraíonn na daltaí faoi na híomhánna ina bhfeictear iad féin agus an réad. Téigh ó dhalta go dalta. Beidh gach dalta sa rang le feiceáil agus le cloisteáil sa chur i láthair.

**Seirbhís Forbartha Gairmiúla do Mhúinteoirí:** [Conas úsáid a bhaint as fóta-scéal](#)  
[Conas do fhóta-scéal a bhlagáil](#)

- Cuirtear A nó B ar fáil ar láithreán gréasáin na scoile.

#### Stair áitiúil

- An bhfuil réad is díol spéise ann i gceantar na scoile?